

Қачон бирингиз намозда ўтирса... | Сийрат дарслари (261-дарс)



19:00 / 23.12.2023 2146

344. Абдуллоҳ ибн Масъуд розияллоҳу анҳудан ривоят қилинади:

«Расулуллоҳ соллаллоҳу алайҳи васаллам менга ташаҳҳудни кафтларим кафтлари орасида турганда худди Қуръонни таълим бергандек ўргатдилар: **«Ат-таҳийяату лиллааҳи вас-солаваату ват-тоййибаату, ас-салааму алайка аййуҳан-набиййу ва роҳматуллоҳи ва баракаатуҳу, ас-салааму алайна ва алаа ибаадиллааҳис-солиҳийн. Ашҳаду аллаа илааҳа иллалоҳу ва ашҳаду анна Муҳаммадан абдуҳу ва Расулуҳу»**.

Бухорий ва Муслим ривоят қилишган.

Бошқа ривоятда:

«Набий соллаллоҳу алайҳи васаллам айтдилар: **«Бас, қачон бирингиз намозда ўтирса: «Ат-Таҳийяату лиллааҳи...» деб зикр қилди. Сўнг «ибодиллоҳис-солиҳийн»ни зикр қилганда: «Агар шуни айтса, Аллоҳнинг осмону ердаги ҳар бир бандасига айтган бўлади»ни ва охирида: «Сўнгра нимани хоҳласа, шуни сўрашни ихтиёр қилсин»ни** зиёда қилди.

Бухорий ва Муслим ривоят қилишган.

345. Алий ибн Абдурроҳман Муовиййидан ривоят қилинади:

«Абдуллоҳ ибн Умар менинг намозда майда тошларни ўйнаётганимни кўрди. Намозни тугатганда мени бундан қайтарди ва: **«Расулуллоҳ соллаллоҳу алайҳи васаллам нима қилган бўлсалар, шунини қил», деди. «Расулуллоҳ соллаллоҳу алайҳи васаллам қандай қилар эдилар?» дедим. «У зот намозда ўтирсалар, ўнг кафтларинини ўнг сонлари устига қўяр эдилар. Бармоқларинини тугар эдилар ва бош бармоқдан кейин келадигани билан ишора қилар эдилар. Чап кафтларинини чап сонлари устига қўяр эдилар», деди».**

Муслим ривоят қилган.

346. Саъд ибн Абу Ваққос розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг ўнг тарафларига ва чап тарафларига салом беришларинини кўрар эдим, ҳатто ёноқларининг оқи кўринар эди».

Муслим ривоят қилган.

«Расулуллоҳ соллаллоҳу алайҳи васаллам» китобидан

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хулосаси асосида чоп этилган.